

5. september 2024

UKA 2025/133

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppaa:

Pisortat suliffeqarfiutaani aasaanerani piffissat suliffiusartut nalilersorneqarsinnaanissaat pillugu apeqquteqaat aallaavingalugu oqallisissiasatut siunnersuut.

(Inatsisartunut ilaasortaq Aqqalu C. Jerimiassen, Atassut)

Seqineq nuisanertusigaaangat, inuit sulinngiffeqarratileraangata qaamanertusinerpaaffiani naammassisaqarsinnaassuseq appartarpoq. Inuit ullaakkut qasoqqanerulersarput, illuanilli unnukkut eqiinganerulersarlutik. Juuni, juuli aggustilu qaamaruluttarfigut inooriaatsitsinnut nalimmassarlugit sulinerup piffissaannut nalunaaqutaannut aaqqiissusiorsinnaangaluaqaagut, imaattariaqassanngilaq taava nalunaaqutarput tamaat nikisillugu.

Nikissimappat qaamasarneranullu sunniunnerluppat, taava uagut naleqqussarta, sulisarnitta piffissai allanngortigit. Tusarusunnassooq qanoq inatsisartoqatit partiillu isummersussanersut tamassumunnga, uaguummammi nalimmassaasinnaakuttoortut.

Imaaqqinnaartariaqanngilarmi allaffeqarfiit arfineq- pingasuniit sisamap tungaanoqqinnaajusariaqartoq, assersuutingalugu soormi aasarissinerani ullup qeqqaniit unnukkut arfineq-pingasulluunniit tungaanuusaralaruni sulineq.

Taamaattorli nalunaaqutaq nikiseqqissagalarpat nikiseqqinngikkalarpalluunniit, suli aasakkut inuit pissusaat malillugu sulisarfiit tulluarsarneqarnissaannut una oqallisissiaavoq. Tusarusupparpullu Inatsisartut innuttaasunut tulluarsarsinnaanermut piumassuseqarnersut. Angorusupparpummi ukioq naallugu sapinngisamik angusaqarfiunerpaamik sulisoqarsinnaanissaa.

Taamatut naggaserlugu Inatsisartut oqallilluarnissassinnik kissaappassi.